



Broj: 10-05-26810/17
Sarajevo, 04.09.2017. godine

Na osnovu člana 70. st. 1. i 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine”, broj 35/05), čl. 13. tačka 1), 77. i 145. Zakona o zdravstvenoj zaštiti („Službene novine Federacije BiH”, br. 46/10 i 75/13), članom 70. Zakona o pravima, obavezama i odgovornostima pacijenata („Službene novine Federacije BiH”, broj 40/10), člana 24. Zakona o apotekarskoj djelatnosti („Službene novine Federacije BiH”, broj 40/10) i podzakonskih akta donesanih na osnovu navedenih zakona, Ministrica zdravstva Kantona Sarajevo, d o n o s i

O D L U K U

**o visini naknade predsjedniku i članovima stručnih komisija i radnih tijela koje imenuje
Ministrica zdravstva Kantona Sarajevo za realizaciju usluga iz nadležnosti
Ministarstva zdravstva Kantona Sarajevo**

I

Ovom odlukom utvrđuje se visina naknade predsjedniku i članovima stručnih komisija i radnih tijela koje imenuje Ministrica zdravstva Kantona Sarajevo za realizaciju usluga iz nadležnosti Ministarstva zdravstva Kantona Sarajevo, a koje poslove obavljaju izvan redovnog radnog vremena.

II

Iznos naknade predsjedniku i članovima komisija iz tačke I ove odluke utvrđuje se u neto iznosu („neto na ruke“), u zavisnosti od vrste posla koji komisija provodi, i to:

a) stručna komisija za utvrđivanje ispunjenosti uvjeta u pogledu prostora, opreme i kadra za rad privatnih zdravstvenih ustanova, privatne prakse, specijaliziranih trgovina za promet medicinskih sredstava na malo - predsjedniku i članovima u iznosu 75,00 KM, a sekretaru u iznosu 37,50 KM, za jedan neposredni uvid na licu mjesta;

b) ispitne komisije za polaganje stručnog ispita zdravstvenih radnika sa stečenom srednjom stručnom spremom - predsjedniku i članovima u iznosu 16,00 KM, a sekretaru u iznosu 8,00 KM, za provjeru znanja po kandidatu.

Iznos naknade utvrđene u podtač. a) i b) isplaćuje se iz Budžeta Kantona Sarajevo, razdjel 20 - Ministarstvo zdravstva, a za koje korisnici usluga uplaćuju naknadu.

III

Iznos naknade predsjedniku i članovima radnih tijela iz tačke I ove odluke utvrđuje se u neto iznosu („neto na ruke“), u zavisnosti od vrste posla koji radno tijelo provodi, i to:

a) Etički komitet Ministarstva zdravstva Kantona Sarajevo - predsjedniku u iznosu 250,00 KM, članovima u iznosu 200,00 KM, a sekretaru u iznosu 50,00 KM, i isplaćuje se mjesečno pod uslovom održavanja minimalno jedne sjednice u mjesecu i obaveznim prisustvom;

b) Zdravstveni savjet Ministarstva zdravstva Kantona Sarajevo - predsjedniku u iznosu 150,00 KM, članovima u iznosu 100,00 KM, a sekretaru u iznosu 50,00 KM, i isplaćuje se mjesečno pod uslovom održavanja minimalno jedne sjednice u mjesecu i obaveznim prisustvom;

c) Koordinacioni odbor za praćenje organizacije i izvođenja deratizacije - predsjedniku i članovima u iznosu 150,00 KM, a sekretaru u iznosu 50,00 KM, i isplaćuje se mjesečno pod uslovom održavanja minimalno jedne sjednice u mjesecu i obaveznim prisustvom.

Iznos naknade utvrđene u podtač. a), b) i c) isplaćuje se iz Budžeta Kantona Sarajevo, razdjel 20 - Ministarstvo zdravstva.

IV

Ova odluka stupa na snagu danom donošenja.

Obrazloženje

Članom 70. st. 1. i 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine”, broj 35/05), je propisano da organi uprave i upravne organizacije na svim nivoima vlasti u obavljanju poslova iz svoje nadležnosti donose rješenja, zaključke i druge pojedinačne akte.

Članom 77. Zakona o zdravstvenoj zaštiti (“Službene novine Federacije BiH”, br. 46/10 i 75/13) je propisano da kantonalni ministar zdravstva imenuje etički komitet kantonalnog ministarstva, kao i da visinu naknade utvrđuje kantonalni ministar, a koja se isplaćuje iz budžeta kantona, a članom 145. istog zakona, propisano je da zdravstveni radnici koji su završili srednju školu zdravstvenog usmjerenja polažu stručni ispit pred ispitnom komisijom koju formira kantonalni ministar, a članom 18. stav 3. Pravilnika o pripravničkom stažu i stručnom ispitu zdravstvenih radnika (“Službene novine Federacije BiH”, broj 6/11, 10/11 – ispravka, 41/11, 81/12 i 58/15) je utvrđeno da nadležni ministar utvrđuje troškove stručnog ispita i visinu naknade predsjedniku, članovima i sekretaru komisije.

Članom 70. Zakona o pravima, obavezama i odgovornostima pacijenata („Službene novine Federacije BiH”, broj 40/10) je propisano da kantonalni ministar imenuje zdravstveni savjet kantonalnog ministarstva, kao i način njegovog izbora i finansiranja.

Članom 24. Zakona o apotekarskoj djelatnosti („Službene novine Federacije BiH”, broj 40/10) je propisano da troškove rada stručne komisije za utvrđivanja ispunjenosti uvjeta u pogledu prostora, opreme i kadra za rad specijalizirane trgovine snosi podnosilac zahtjeva, a visinu troškova utvrđuje kantonalni ministar.

Članom 211b. stav 5. Pravilnika o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama („Službene novine Federacije BiH”, br. 26/12, 23/13, 90/13, 15/14, 82/14 i 83/15) je propisano da članovima stručne komisije za utvrđivanje ispunjenosti uvjeta u pogledu prostora, opreme i kadra, pripada naknada čiju visinu utvrđuje nadležni ministar zdravstva.

Članom 60. stav 5. Pravilnika o uvjetima za obavljanje privatne prakse, grupne privatne prakse, kao i uvjetima za obavljanje privatne prakse na osnovu posebnog ugovora sa zdravstvenom ustanovom („Službene novine Federacije BiH”, br. 104/13, 16/14 i 66/15) je propisano da članovima stručne komisije za utvrđivanje ispunjenosti uvjeta u pogledu prostora, opreme i kadra, pripada naknada čiju visinu utvrđuje kantonalni ministar zdravstva.

Članom 45. stav 5. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije („Službene novine Federacije BiH”, br. 44/12, 23/13 i 27/14) je propisano da članovima stručne komisije za utvrđivanje ispunjenosti uvjeta u pogledu prostora, opreme i kadra, pripada naknada čiju visinu utvrđuje kantonalni ministar zdravstva.

Članom 16. stav 5. Pravilnika o bližim uvjetima prostora, opreme i kadra za specijalizirane trgovine za promet medicinskim sredstvima na malo („Službene novine Federacije BiH”, broj 41/12) je propisano da članovima stručne komisije za utvrđivanje ispunjenosti uvjeta u pogledu prostora, opreme i kadra, pripada naknada čiju visinu utvrđuje kantonalni ministar zdravstva.

Članom 11. stav 2. Odluke o obaveznoj preventivnoj sistematskoj deratizaciji na području Kantona Sarajevo („Službene novine Kantona Sarajevo”, broj 22/13) je utvrđeno da Ministar zdravstva Kantona Sarajevo imenuje predsjednika i zamjenika predsjednika, članove i sekretara Koordinacionog odbora.

Zbog naprijed navedenog odlučeno je kao u dispozitivu Odluke.



web: <http://mz.ks.gov.ba>
e-mail: mz@mz.ks.gov.ba

Tel: + 387 (0) 33 562-104. Fax: + 387 (0) 33 562-243
Sarajevo, Reisa Džemaludina Čauševića 1

